



棲霞寺志

附卷



棲霞寺志

附卷

聖之英靈州志終

瀛海趙炯鶴齋輯

桂林趙日昇曉村訂

浩氣吟志

以二公行軍勦其裔世世容賦

浩氣吟者桂人楊碩父集瞿張二公臨難詩也按甲

申五月朔

本朝定鼎燕京已大一統之業雖弘光嗣位南都不旋

踵而亡區區隆武監國殆不足紀獨其間忠臣義士

或後或先所在多有蓋忠義之事自為萬古立綱常

初不隨國運爲盛衰也故史臣于喪敗之餘凡死節者有聞必錄恒懼湮沒非徒彰前朝養士之報亦以正人心而勵風俗道必由此獨隆武旣沒瞿公稼軒奉永曆于端州身爲畱守保西粵一隅者且五年卒同別山張公盡節于庚寅之冬而編年遂畧而不載渾融和尚親見二公行事謹藏其詩每對客娓娓言之不少忘雖桂志粗舉其畧而詩不具載故於此志之而別爲一卷明不敢與遊覽諸什齊觀也輜軒之使渾融日夜望之矣爰附志後

明瞿公稼軒小傳

公諱式耜號稼軒江南常熟瞿文懿公景淳嫡孫也萬曆丙辰科進士初任江西之永豐有政聲課最以魏璫當權七年不就考崇禎間始授掖垣直聲震朝野南都召起正人公以戶給事晉京兆丞擢廣西巡撫時粵地凋敝公加意撫綏民賴以康歲乙酉八月靖江王作難稱監國不受隆武詔公移書於總制丁魁楚爲備又檄思恩叅將陳邦傳防梧靖江遣桂平道促公入藩府不允靖江提兵至梧命公易朝服朝不從且以兵脅之卒

不可奪靖江尋爲丁所敗返桂林閉公于藩邸公密授
計於總鎮楊國威旗鼓焦璉擒之及其黨械福州斬於
市粵西以寧晉兵部右侍郎閩汀失守隆武亡公乃與
丁時魁奉永曆於端州公以閣學典銓內璫王坤用事
以墨勅補大司馬等官公抗疏極論其失凡士大夫爲
坤所排陷多營救得免坤又趨永曆走楚公疏言粵不
可棄請身畱守桂是時蘇觀生復立隆武之弟爲紹武
藩鎮各以兵相攻公竭力調護內外差安庚寅冬定南
王孔有德入巖關興安驛名鎮將悉遁公與司馬張公同啟

誓死封疆俱被執王雅重之置於別所委曲勸諭公不
從幽之月餘至十一月十五日拜遺疏於獄中賦詩三
十餘首張公和之十七日同張公笑赴西市猶賦絕命
詩一絕是日陰晦雷雨大作夜有小人竊其衣二公屍
起端坐邏者執白定南殺而祭之乃仆臨桂生楊菀字
碩父具棺爲殮血刃在頸面目猶生後子孫來歸葬其

鄉

[Faint bleed-through text from the reverse side of the page]

明張公別山小傳

趙炯

公湖廣江陵人萬曆首輔公之曾孫同敞名別山其號也生平慷慨負義氣工古文詞尤長於詩崇禎間追卹江陵相業復其官公得蔭中書舍人時朝政亂公痛哭陳言為忌者中挂冠歸後事永曆于粵每慨然曰大丈夫苟可以報國何惜此七尺軀為諸鎮將憚其風采不敢以文士目之庚寅十一月定南王孔有德兵至公督師靈川縣兵潰公從江東涉江入城謂畱守瞿公曰事迫矣惟共死封疆耳毋再計遂被執定南素耳公名欲

活之勸諭百端公不從復面諭之公張空拳將擊王左
右兵之斷臂傷睛公罵不絕口左右拉之跪不肯挺身
罵益厲乃以木塞其口皆有詩自紀瞿公贈詩一六相
和定南知不可屈乃斬之臨刑作絕命詩一律桂士楊
菟收其屍時明給事金堡號道隱者已爲僧名性因寓
桂上書定南以禮葬于城東五里之毛家村公之嗣元
配許氏先歿并起櫬合葬立有石碣後毀于風雨覺羅
準大重新之春秋之祭則棲霞寺僧渾融也

浩氣吟序

金堡釋名
性因

壽明居士

瞿昌文
號也

將爲其祖畱守公刊所與督師張公

臨難倡酬諸詩而屬性因書其首或有獻疑曰當蘇君
時儀何敢言今固非兩公之時而傳兩公之言死者已
矣生者無乃爲忌與性因曰昔文皇帝族滅方孳孺令
有藏其隻字者死不赦然孳孺之書至今存也以天子
之尊加以奸黨之律享國之久而不克奪匹夫千萬世
之業矧兩敵相向敗死勝生生卽爲功死卽爲忠殺者
非本夙嫌死者亦無遺憾則奚仇于詩而禁其傳耶性

因忝與畱守公爲忘年交若別山詩酒鴈行時相爾汝
當桂林風雨兩公抗節長吟性因在茅坪遙分鉢韻固
未嘗諱也若諸賡其遺音弔于歿後西州一慟義無可
止卽如楊君碩父踴哭收屍一時共嘆其高當途不以
爲罪豈區區筆墨遂累人哉嗚乎狗國之難忠也弔友
之死義也傳先祖之美孝也使天下後世聞風者廉頑
立懦仁也性因書其首可矣

浩氣吟

疏

臨難獄中上疏

瞿式耜

罪臣某謹奏臣本書生未知軍旅自永曆元年謬膺畱
守之寄拮据四載力盡心枯無如將悍兵驕勳鎮諸臣
惟以家室爲念言戰多屬虛文逼餉逼糧日無寧晷臣
望不能彈壓力不能駕馭請督師而不應求見放而不
從馴至今秋灼知事不可爲呼籲益力章數上而朝廷
漠然置之近十月十三日集衆會議搜苛懸賞方謂卽

不能戰尚可以守忽于十一月初五之辰趙印選傳與
安塘報一紙知嚴關諸塘盡已散去當卽飛催印選等
星火赴子營而印選躊躇不前臣竊訝之孰意其精神
全注老營止辦移營一看午後臣遣人再偵之則已盡
室而行并在城胡一清王承祚蒲英楊國棟馬養麟各
家老營俱去城中竟一空矣臣撫膺頓足曰朝廷以高
爵餌此輩百姓以膏血養此輩今遂如此散塲乎至酉
刻督師臣張同敞從江東來遙訊城中光景知城虛無
人止畱守尚在途泗水過江直入臣寓臣告之曰城存

與存城亡與亡自丁亥三月已拚一死吾今日得死所
矣子非畱守可以無死盍去諸同敞毅然正色曰死則
俱死耳古人耻獨爲君子君獨不容我同徇乎卽于是
夜明燈正襟而坐臣竊念四載以來雖未豎有寸功庶
幾保全尺土豈知天意難窺人謀舛錯歲復一歲竟至
於斯卽寸磔臣身何足以蔽負君誤國之罪然纍纍諸
勲躬受國恩敵未臨城望風逃遁大厦一圯固非一木
所能支也臣洒淚握筆具述初五至十四日以內情形
仰瀆聖聽心痛如割血與淚俱惟願臣主上勿生短見

暫寬聖慮保護宸躬以全萬姓之生以畱土線之緒至
于臣等罪戾自知青史難逃惟有堅求一死以報主
上之隆恩以盡臣子之職分天地鬼神實鑒臨之臨表
不勝嗚咽瞻仰之至

詩

自艾

書生原不任封疆堪笑當年漫主張共道北門畱鎖鑰
寧知西土失金湯一籌未展防邊計四載空餘喪國殃
七尺不隨城共狗羞顏何以見中湘

何公騰蛟長沙狗
難贈中湘王

問天

朝廷兒戲視疆臣長子師中竟不掄帥府權尊畱守賤
營頭腹飽督帥貪任從呼籲高天聽似幸淪胥快譖人
失地寸誅何足贖孤臣惟有叫蒼旻

不朽稱三立惟名貫此中完貞方是德砥世卽爲功生
死休言命春秋祇教忠失身千古恨大擔在微躬

其二

平生受好境此日復何求天地一身外江山不我留
悟因空後得心向死邊休領受須歡喜參同在小樓

其三

若論成人事臨危只一端聖賢原節取世俗已驚看
死豈求名地吾當立命觀乾坤留此夕忠魄也教安

其四

佛教言生死無過一了緣朝聞纔是道聖訓已居先
臨節真完養成仁誦昔賢到頭方夢醒在我不由天

十月初五日奴輩聞滇兵起營卽刻星散莫知所
往令之越數日周麟被獲押至余所隨令到山中搜取
吾曾家眷旋卽道去不復來矣感而有述
僮僕爭逃死孤身視死歸一奴曾見執信宿偶相依去
矣無來日人耶是鬼非總關兒女事有淚不須揮

每聞廿月初六日示別山

每聞君議論輒便長精神識力超凡近操持歷苦辛難
中資益友世外結芳隣再晤知何日同看未死身

君節他心畏明知決不移離居專爲我仗械正堪疑神
鬼今何在忠貞任彼欺關頭須打過千古只憑斯

十月二十六日夢至一室如家中馭娑館先君命

余設榻而臥余卽拂畫几敷臥具其上有一窰瓶
觸而墮下予手承之竟完好無恙覺而紀之

遺像他人得亡親命裏看若悲嬰禍患仍喜肅衣冠效

死忠臣分成名肖子難醒來還自解高臥報平安

閱北曆有感 原閏十一月新
改辛卯閏二月

正朔殘年多一月新書改歲閏三春羈囚度刻如經劫
天子蒙塵已數旬但願履端開泰運豈將曆數問有人
惟余有夢占疇昔看到清明辨假真

自嘆示別山 原聖文山齋並並

七尺那堪斗室蟠禪關正靜好同觀心維漢鼎千秋痛
目極堯封萬里酸人語嘈嘈魂裏聽飄風烈烈夢中寒
扶輿非大身非小畱得綱常宇宙寬

與閏十一月初三日放言
宇宙實冠履待屋宇
周德雖衰命豈移
天南宛馬竟長嘶
縱云將相無周召
寧遽乾坤倒
舉世滔滔狂不醒
孤臣矯矯行偏危
無迓大義昭千古
敢望文山節並垂

辨髮新粧日夜攢
殘形見慣近相安
苦爭乾淨荒邊土
盡改中華文物觀
日月晦蒙天不霽
河山破碎地偏寒
俘囚血熱魂常在
炯炯雙眸死後看

其三

盈耳無非賊與蠻
俘囚視息亦何顏
投誠博寵反蒙賤
守土搜羅未許延
誰說人心真盡死
敢云故物不應還
終宵飲憾呼宗祖
寒雨踈踈淚共潸

憶聖蹕

鑾輿播越五經冬
風雨飄搖半避烽
萬乘總無千騎擁
三江應有百靈從
卜年未許更周曆
闢國寧教盡漢封
待死孤臣難赴闕
瞻天遙祝護蒼龍
閏十一月初六日
距失守剛一月矣

孤城久去已三旬
忍死餘生尚視人
嚼雪自甘難號節

題裾何日早成仁
殘黎初順幾忘舊
憲曆傳來忽見新
痛憶梧雲飛不得
青山叠叠盡含顰
自入囚中頻夢牧
師周旋繾綣倍于
平時志感
休言漢祚不靈長
矻矻中原我武揚
頗羨南荒畱日月
誰知西土變冠裳
天心莫問何時轉
臣節堅持豈改常
自分此生無見日
到頭期不負門墻

絕句

城北諸山列畫屏
家家環翠與來青
如何幽室人看去
盡變愁容入戶庭

其二

一月陰寒不改晴
囚人如夢幾時醒
今朝霽色開千嶂
愁絕雙睛未忍瞪

獄余亡妻以閏十一月為生忌楊碩甫禮懺山中詩以
謝之
夢裏音容幾度看
似憐遭難慰余安
荒村誰伴三更雨
野觀空圍萬叠巒
香火久淹塵土漬
竹梅時聽佩聲珊
生辰累子猶存憶
特與冥資結淨壇
黃冠蘇陸
幽囚中為位以飯一菜一酒半杯以哭之前當此日

幽魂何處得飛來
囚室分明是夜臺
爲壽生前當此日
相從地下重予哀
粲盛土缶仍周粟
楮化黃埃種劫灰
亡國俘臣生亦鬼
幾時偕與故鄉回
羨子無家累蕭然
有死身一絲都不挂
千載做完人魔瘴
余偏疊孤忠恐易淪
夢魂頻自警何以報
君親

其二

成人看福分
惟子最予欽
矢節經營久
臨危志氣沉
骨堅神亦助
識老崇難侵
造化真由我
須教後視今

倡和詩

庚寅十一月初五日聞警諸將棄城而去城亡與
亡余自誓死特別山張司馬自江東來城與余同
死被刑不屈半月幽囚漫賦數章以明厥志別山
從而和之

藉艸爲茵枕塊眠
更長寂寂夜如年
蘇卿絳節惟思漢
信國丹心只告天
九死自甘遑恤苦
千秋公論亦隨緣
殘燈一室羣魔繞
寧識孤臣夢坦然

其二

楊官志
已拚薄命付危疆生死關頭豈待商二祖江山人盡擲
四年精血我偏傷羞將顏面尊吾主剩取忠魂落異鄉
不有江陵真鐵漢腐儒誰爲剖心腸
其三
正襟危坐待天光兩鬢依然勁似霜願作須臾階下鬼
何妨慷慨殿中狂憑加綁辱神無變旋與衣冠語并莊
慚愧老夫非怯死輸君浩氣姓名香

其四

年年索賦養邊臣曾見登陴有一人上爵滿門皆紫綬

荒村無處不青燐僅存皮骨民堪畏樂爾妻孥國已貧
試問怡堂今在否孤臣畱守自捐身

其五

邊臣死節亦尋常恨死猶啣負國傷擁主竟成千古罪
畱京反失一隅疆罵名此日應難免厲鬼他年詎敢忘
幸有顛毛畱旦夕魂兮早附祖宗旁
其六
拘幽土室豈偷生求死無門慮轉清勸勉煩君伸大義
痴愚笑我太無情高歌每羨騎箕句洒淚偏成滴雨聲

四大久空成泡影英魂到底護皇明
岩疆數載盡臣心坐看神州已陸沉
天命豈因人事改孫謀爭及祖功深
二陵風雨時來繞歷代衣冠何處尋
衰病餘生刀俎寄還欣短髻尚蕭森

其八

年逾六十復奚求多難頻經渾不愁
劫運千年彈指到綱常萬古一身留
欲堅道力憑魔力何事俘囚學楚囚
了却人間生死業黃冠莫擬故鄉遊

閏十一月初六日紀事贈張別山

文山當日猶長揖堪笑狂生禮太疎
身命已交初見刻死生寧計就刑餘
戎裝畢竟仍華種漢語如教讀聖書
張子已成千古事知余結局定何如

閏十一月十五日付別山

守節惟君我南朝定少人城亡身卽繼
國難氣猶伸風雪三冬壯衣冠萬古尊
夷然經浩劫同志始成仁

十七日贈別山

斷臂傷睛木塞唇猶存雙膝柱乾坤
但將一死酬今古

剝有丹心傷主臣
絕命詞
從容待死與城亡
千古忠臣自主張
三百年來恩澤久
頭絲猶帶滿天香

畱守師贈詩賦答

張同敞

盡節誰云有異同
此時此難正遭逢
書生耻效荀文若
夫子堪師信國公
共看挺身當亂裏
可憐渡水入城中
願隨君死非無意
烈烈天朝賴世忠

當年且幸識韓荆
已許今朝共死生
商粟勉食貧可授

余日食南冠未改座
中盟臣心已盡憑
誅磔語空勞

說姓名一綫幾希師
若友有仁須殺此身成

閏十一月初六日和畱守師韻

料此刀頭鬼從何伎倆施防閑嗚太密了斷恨偏遲白
日幽冥路俘臣涕淚時眼前都死趣加意又相持

夢傳司馬忠烈公作霖

湖南
狗難

抗節如公有幾人磔殘今尚夢全身因知同學談忠孝
決不偷生負鬼神視死如歸懷老友有恩未報痛孤臣
耻將丹血分青史與爾幽冥共結隣

夫和畱守師韻

八首

稜稜瘦骨不成眠祖德君恩四十年腰膝尚存甘作鬼
死生有數肯呼天疊山欲附文山烈蘇武休思漢武緣

蹈瀟撩衣談笑裏何須血淚更潸然

其二

異國凋零非故疆首陽一死尚畱商舌存不信乾坤去
臂斷寧同兒女傷上語可憐原漢語帝鄉無路是愁鄉
幽魂應變天邊月照見孤臣鐵石腸

其三

連陰半月日無光艸簾終宵薄似霜白刃臨期惟一笑
青天在上任人狂但畱衰髯酬周孔不羨餘生奉老莊
有骨可拋頭可斷小樓夜夜汗青香

四載危疆一箇臣
城亡待死愧令人
將軍不肯畱犀甲
風雨惟聞哭碧燐
列國衣冠何事改
九邊財賦爲誰貧
傷心列祖當年志
寸磔應存九死身

其五

生當吾世遇非常
坐臥形容盡可傷
宛馬夜嘶過百粵
老臣痛苦守殘疆
千秋正氣憑誰鑒
一死中原詎忍忘
不入耳言今古淚
幽懷欲訴孝陵旁

其六

凜然大義自平生
囊底無錢魄亦清
二烈雙忠原有教
九朝七世豈忘情
亡家骨肉皆冤鬼
多難師生共哭聲
思見刀頭空一切
長宵盼不到天明

其七

日日刀錐攢我心
豈真天意有升沉
命延一刻天難負
論到千秋慮亦深
此地骨原堪朽腐
他年魂不待招尋
昨宵猶夢亡親在
醒後惟畱夜雨森

其八

忘生翻覺死難求
甲士相環任我愁
祭酒一身同膺盡

睢陽二子共名畱已拚魂作他鄉鬼博得人稱亡國囚
三百年來恩怨息先皇應許得陪遊

報春閏十一月初六日和畱守師紀事韻

臂先頭斷生堪賤身為城亡計豈疎塞木焉知舌在否
傷睛自笑眼多餘血分顏柱悲前史癩伏衰橋有特書
早晚刀山遊息好古人慷慨意難如

思見被刑一月兩臂俱折忽于此日右手微動左臂不
可伸矣歷三日書三詩右臂復痛不可忍此其爲
絕筆乎敢煩畱守師寄雪翁道翁兩師如別山之

左右手也

積月巖陰失太陽絲絲若淚慘無光守人聲雜難聽雨
異類形殊耻下床舊僕偶看誰認主亡妻來夢莫思鄉
蒼梧天隔晴峯遠寸斷幽囚客裏腸

自訣

彌月悲歌待此時成仁取義有天知衣冠不改生前制
名姓空畱死後詩破碎山河休葬骨顛連君父未舒眉
魂兮懶指歸鄉路直往諸陵拜舊碑

庚令辭許淵源...

谷故空雷...

...

...

...

...

...

...

跋

讀兩公詩當識其大畱守執義不敢自以為忠司馬不

忘君乃不忍辱其祖此其大者別山才氣過人磊落慷

慨是其本致若夫歆然虛懷歸無所得稼軒先生過人

遠矣先生自勉之死豈求名地吾當立命觀嗚乎殺身

成仁君子所自盡其心非詡為奇特也先生一之負國

再之負國封疆之任每念不忘此真能不負心者先生

不肯以殺其身求名而今之人不肯殺其身而又欲爭

名豈不聞風而愧耶清浪借山野衲性因敬識

[Faint bleed-through text from the reverse side of the page]

浩氣吟後記

壽明居士

瞿昌文其風

嗚乎兩都瓦解閩海波翻祖父倡擁立之舉於端州五月輪扉四年畱守臨桂一隅強敵侵於外悍將訂于內孤城空帑力竭心枯豈必望國祚中興相從再謁孝陵圖功麟閣與高密汾陽比隆千古哉亦念高皇帝三百年之統不可絕粵西一塊土不可棄世受國恩身膺重寄臣子之分不可不盡耳卒之天未悔禍將遁兵逃祖父從容就義與少司馬江陵張別山先生同日身殉死之日震雷暴雨山崩地裂桂之人哀號載道為功名者

每難于成節義而立節義者未始不著功名也文萬里
入粵兩年相依膝下以備員侍從兵烽阻隔不得及奔
十七日之難署中搶劫一空五年奏疏詩文百餘卷家
中所携著述若干卷僅存十之一二惟臨難詩四十首
并遺表稿得義士楊碩甫密藏之未散文被繫至桂廬
于墓側哀毀之餘手錄是詩并以江陵倡和諸作付之
梓人以實他年信史之筆亦見嶺表孤臣歸然雙烈庶
幾不愧高皇養士之報事之成與不成天也古人云出
師未捷身先死長使英雄淚滿襟聆其詩者或其感發

而興起與豈但子若孫當讀祖父之書襲為傳家之珍
已也明翰林院檢討孫男昌文百拜述

每難于成節義而... 亦古之所謂功高也... 亦古之所謂功高也...

人亦雨... 亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

亦古之所謂功高也...

和雙忠倡和詩

道隱性因

金堡開貫索

卽到沙場亦醉眠豈能乞活奈長年三更白月黃埃地

一寸丹衷紫極天身在簡編看不老心如墻壁破無緣

何須更說空生死有劫難灰獨朗然

乘其二

出師盡瘁許岩疆取義成仁一再商刀戟仇讎知我厚

衣裳鱗介債難償莫教兒女攀新塚未有英雄戀故鄉

我亦憂憐還起舞劍鏃無處割愁腸

其三日日出二子絲不變星霜卧公屐孔林山帶

幾世曾依日月光二毛終不變星霜相公氣比秋山靜
司馬生當厲鬼狂舌斷犬羊羞衛律身輕蝴蝶弔蒙莊
山僧頂禮何時了佛火新添忠義香未許英雄戀此
其四
乘危時自薄君臣坐躡元公豈一人各擁金章難請劍
兢吹鐵血看移燐有心許國惟多病無計強兵只益貧
變起勞他文吏死可憐兒戲捉官身

其五

有茶無齋不堪嘗獄底生還止自傷抗疏敢先開貫索
借刀誰復誤封疆隨緣布帽猶難着得佐松寮未忍忘
却憶昔賢高義在變名伏侍故人傍

其六

偷生豈易學無生二老何嘗肯待清歡喜刀頭偏不種
貪痴海底得忘情燈寒一碧千秋血鳳吐雙丹萬里聲
大義從來無短祚中天日月看長明梁市誰能去
忠出其七亦難求空冠願與真慈憫曾不藉畫醜
難將火聚起灰心尺寸山河又陸沉一部春秋天地正
十朝功德祖宗深鏡邊短髮梳還喜枕上高吟韻好尋

欲寄君王多少淚，滿天風雨共蕭森。林土高，空蹟我容。
曠跡其八。賦別心久。十山。賦又。詞。品。一。詞。容。容。天。賦。五。
忠臣無命亦難求，空塚題碑喚莫愁。斷臂不辭連頸斷，
心畱何必定身畱。雪庵未證東來果，柴市能超北去囚。
死死生生俱努力，人天無碍約同遊。鳳山雙井萬里聲。
兩公被執性因出家，茅坪庵微相聞問。畱守相公首
以感懷四詩及別山寄懷一詩見贈。性因亦有作分
和之復以倡和八詩至。性因亦和之。文山當日燕京
樓上無別山，其人同聲相應。卽有龍跛象中，或有如

性因者，抗喉蹋節，恐以遷時滅跡，不復能傳矣。性因
與友人曰：我猶得與兩公詩筒繼綫，一月餘日不可
謂無緣。兩公歿後，性因亦誓於佛前，不復作詩緣盡
矣。壽明居士痛念其祖，使龍池清凝，上人造石幢索
書漫識數語，作桂林遺事。

知公上定南王孔有德書。王池。迹。四。贈。許。孫。祖。矣。始。圖。
茅坪庵衲僧性因和尚謹致書于定南王殿。下山僧梧
水之罪人也，承乏掖垣，奉職無狀，繫錦衣衛獄，幾死杖
下。今夏編成清浪，以道路之梗，養痾招提，飯命三寶，四

閱月于茲矣車騎至桂咫尺階前而不欲通者蓋以罪人自處亦以廢人自棄又以世外之人自恕也今且有不得不一言于左右者故畱守大學士瞿公督師學士張公皆山僧之友也已爲王所殺可謂得死所矣敵國之人勢不并存忠臣義士殺之而後成名兩公豈有遺憾于王卽山僧亦豈有私痛惜于兩公哉然聞遺骸未殯心竊惑之古人成大業者必表揚忠節殺其身而且愛敬其人若唐高祖之于堯君素周世宗之于劉仁贍是也我皇明太祖之下金陵于元御史大夫福壽旣葬

之矣復立祠以祀之其人犯法當死又曲法以赦之盛德美名于今爲烈至於元世祖祭文天祥伯顏恤汪立信之家豈非與中華禮教共植彝倫者耶山僧間嘗論之衰國之忠臣與開國之功臣皆受命于天同分砥柱乾坤之任天下無功臣則世道不平天下無忠臣則人心不正事雖殊軌道實同源而一死之重豈輕于百戰之勲者哉王旣已殺之則忠臣之忠見功臣之功亦見矣此又王見德之時也請具衣冠爲兩公殮瞿公幼子尤宜存恤張公無嗣益可哀矜并當擇付親知歸葬故

里則仁義之譽王且播于無窮矣如其不爾亦許山僧
領屍隨緣藁葬揆之情理亦未相妨豈可視忠義之士
如盜賊寇讐然必滅其家狼籍其肢體而後快于心耶
夫殺兩公于生者王所自以為功也禮兩公于死者天
下萬世所供仰王以為德也惟王圖之物外閒人不辭
多口既為生死交情不忍嘿嘿然于我佛寃親平等之
心王者澤及枯骨之政聖人維護綱常之教一舉而三
善備矣山僧跋不能履敢遣從者以書獻敬候斧鉞惟
王圖之

墓碑

張公墓舊碑鐫文

明光祿大夫詹事府詹事兵部左侍郎兼翰林院侍讀
學士張公諱同敞號別山江陵人元配許氏封一品夫
人已丑卒同里沙市人

重修別山張公與元配許氏夫人合葬碑記

蘇命新外一等待衛盛京覺羅準大漢名趙應鳳人

庚申仲夏王師征柳予適抱恙寓桂林之棲霞寺寺僧
渾融與予為方外友日與評論山水追述往昔言及當

年有別山先生者楚江陵人也受故國封疆之任庚寅
歲定南王開粵先生抗節不屈與同官瞿稼軒先生賦
絕命詩倡和成帙卒死于難先是先生元配許夫人葬
于毛家村之東陵定南王感先生之節以禮合葬焉所
以教天下之忠也其地去寺三里許佳城所在忠魂棲
焉曷往弔之予以病不克前未及絮酒致奠而訊問先
生殘碑已埋沒于荒沙野艸中矣渾融愀然泣下曰三
十年間生死相別宛如昨日先生大事已矣我猶托鉢
天涯一身如寄其烏能無愧于知己也余曰嗟乎懿好
之誠曠世相感今日招先生之魂新先生之碣使昔日
之苦心與星日并昭身後之清名與天地不朽焉者予
何敢以不敏辭乎爰誌之以明千古一時異世同心之
雅儔亦唏噓不能應因爲之記

前題

繁昌 郝焯

膚髮誰甘任毀傷先生視死等尋常
冰霜莫化丹心熱花艸猶沾白骨香
幾度問天分曲直一田灑酒論文章
江山何處畱真面極目狐狸臥夕陽

前題

京口 余忠震

王氣消磨事可傷當年正性立綱常
從容就義生平志慷慨題詩姓字香
原上山川供俎豆夕陽花鳥盡文章
英魂不傷荒陵歇應有啼鶻泣露霜

前題

郝門 汪曰祖

運移天地亦悲傷砥柱中流事不常
談笑師資同大節淒其稚子斷書香
遺詩不盡千年恨壯志如存萬里疆
功業未成心未死至今風雨哭西莊

前題

碩堂 釋本果

今古無殊此一時先生行處是良知
青山不管興亡事黔首爭傳節義詩
老我故國思鶴澤看人新樣掃蛾眉
芳流不朽塞天地豈但孤墳七尺碑
為別山先生上供拈香法語重前
人自林表山花愁對杜鵑紅雲黯蒼
梧信不通春去秋來知幾度

浩氣吟

浩氣吟

三

野莎青滿墓門東恭惟別山張老先生捐軀報國心同
鐵石之堅覺世庸民意等丘山之重明知元運自有迭
遷緬想人倫可無綱紀齊死生爲一貫付苦樂于兩忘
不期而遇師資之義已奇有待而然倡和之詩尤妙浩
氣克塞乎宇宙精光照耀乎簡編爲因嶺外大業難成
致使域中偉人徒喪結覆地翻天之局垂超今邁古之
名雖然此猶是世諦流布邊事祇如勝義諦中又作麼
生聽取一頌

香幢刹海浩無涯情與非情共一家恩怨已教歸蝶夢

何更繞蜂衙新豐曲奏功雖轉古殿苔生位不差
珍重夜明簾外立曉鐘烟樹聽棲霞

書浩氣吟後

前人

瞿張二公事世所共知但其言罕有傳者義士楊碩
父旣收殮二公又哀輯其遺詩曰浩氣吟茅坪庵主
與瞿公之孫序而刻行矣不三十年若存若亡余周
遊四方竟未一見僅聞別山先生悲歌一律而已嗟
乎余之管窺固不足論天下好事者正不乏豈於忠
義獨不好乎棲霞渾融和尚住粵西最久曾親見二

公故爲修其墓藏其詩余叩公借讀然亦抄本耳因
重編壽梓感賦二詩時甲子上元後五日
帶雨坐肩輿山房叩我師不辭一徑滑爲訪二公詩忠
義無緇素文章有護持吾生雖恨晚猶得覩遺碑
其二
死自分輕重須當得所安綱常如可挽菹醢受非難壯
志青霄立精誠白日寒言言皆血淚畱與後人看

讀浩氣吟

葉藩

乾坤復有浩然吟柴市厓山共此心青史向來名節重

白雲遙接墓門深幾行筆墨垂金石一片烟波見古今
載誦碩公諸法語碧空秋鶴送餘音

弔瞿張二先生和韻

文化遠

碎盡山河事可傷舍生取義本尋常不爲苟活千年臭
故得長畱萬古香泰岳有孫傳事業稼軒同命見詩章
忠魂結識惟緇侶時與棲霞弔夕陽

緝浩氣吟附寺志有作

趙炯

蘭若藏來詩半帙瞿張節義重人羣編年僅列赧皇帝
後世誰傳永曆君守死一隅終系漢命畢五祀始存殷

自吟浩氣塞天地方是千秋不朽文命畢正旅故其
別山張公墓傍堯山所贈僧詩扇予猶及見之慨
然有作

望望堯山起白雲白雲深處列王墳緬人獻帝誰收骨
司馬殘肢自抱君老衲上書成禮葬
盛朝卹典待升聞銀鈎鐵畫畱真蹟彷彿英靈尚監軍



